

UGOVOR
O ISPORUCI ROBA ZA POTREBE
JU „DRUGA OSNOVNA ŠKOLA“ ILIDŽA/HRASNICA

Zaključen dana 12.04.2019. godine, između:

GORENJE COMMERCE d.o.o.Sarajevo, Gorenje prodavnica Blažuj, sa sjedištem u ulici Kamenolom br. 11, 71210 Ilidža kojeg zastupa direktor Robert Polšak, žiro račun: Raiffeisen bank Sarajevo: 1610000018110008, ID broj 4200100960005 (u daljem tekstu: Dobavljač),

I
JAVNA USTANOVA „DRUGA OSNOVNA ŠKOLA“ ILIDŽA/HRASNICA, sa sjedištem u ulici Školska 1, Ilidža/Hrasnica, kojeg zastupa Almir Česko, direktor škole, ID broj 4200035880007 (u daljem tekstu: Naručilac).

I PREDMET UGOVORA

Član 1.

Predmet ovog Ugovora je Nabavka sljedećih roba prema ponudi broj: 1104/19 od 11.04.2019. godine, koja je u prilogu ovog Ugovora i čini njegov sastavni dio

1. ugradbena mašina za pranje posuđa GV 65160 i
2. kombinovani frižider NRK 6191 CX.

II CIJENA

Član 2.

Cijene utvrđene u ovom Ugovoru su cijene koje je Dobavljač dao u svojoj ponudi broj: 1104/19 od 11.04.2019. godine.

Ugovorne strane su saglasne da su cijene fiksno utvrđene, te da neće doći do promjena.

Cijene roba iz člana I utvrđene su kako slijedi:

1. **ugradbena mašina za pranje posuđa GV 65160**, sa cijenom od 745,38 KM bez PDV-a (872,10 KM sa PDV-om i uračunatim rabatom u iznosu od 10% na cijenu od 969,00 KM što iznosi 96,90 KM) i
2. **kombinovani frižider NRK 6191 CX**, sa cijenom od 676,15 KM bez PDV-a, (791,10 KM sa PDV-om i uračunatim rabatom u iznosu od 10% na iznos od 879,00 KM što iznosi 87,90 KM)

Ukupna vrijednost robe po ovom ugovoru iznosi 1.421,54 KM bez PDV-a sa uračunatim rabatom, odnosno 1.663,20 KM sa PDV-om i uračunatim rabatom u iznosu od 10 % (ukupan iznos rabata je 184,80 KM).

III NAČIN PLAĆANJA

Član 3.

Plaćanje Dobavljača, po ovom Ugovoru vršit će se na osnovu ispostavljene fakture

4/8
h

Dobavljača najkasnije u roku od 30 dana od zaprimljene kompletne fakture.
U slučaju prekoračenja roka plaćanja, Dobavljač ima pravo za naplatu zakonskih zatezних kamata.

Plaćanje se vrši na žiro račun br 1610000018110008 kod Raiffeisen bank Sarajevo.

IV GARANCIJA ZA KVALITET ISPORUKE ROBE

Član 4.

Dobavljač garantuje da će robe, koje su predmet ovog Ugovora, biti uobičajene, tj. standardne i ugovorene kvalitete.

V ISPORUKA

Član 5.

Dobavljač se obavezuje da izvrši isporuku roba iz člana I ovog ugovora, na adresu Naručioca Školska 1, 71212 Hrasnica.

VI PRESTANAK UGOVORA

Član 6.

Ugovor prestaje isporukom i ugradnjom roba iz člana I ovog Ugovora.

VII VIŠA SILA

Član 7.

Dobavljač ne podliježe ugovornim kaznama i raskidu Ugovora zbog neizvršavanja obaveza, ako i u onoj mjeri u kojoj je njegovo kašnjenje s izvršenjem Ugovora ili drugi propust u izvršavanju ugovornih obaveza rezultat više sile.

VIII UGOVORNA KAZNA

Član 8.

U slučaju kašnjenja u isporuci robe, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene nabavke, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti nabavke koja je predmet narudžbe. Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca, u protivnom Naručilac će umanjiti fakturu za navedeni iznos.

Naručilac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta isporuke roba i utvrđenih rokova, Naručilac ima pravo raskida Ugovora i pravo da o trošku Dobavljača ustupi posao drugom Dobavljaču sa

pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

IX OSTALE ODREDBE

Član 9.

Sve eventualne sporove Ugovorne strane će rješavati sporazumno u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 10.

Sve izmjene ovog Ugovora mogu se vršiti isključivo i samo uz pismenu saglasnost obju ugovornih strana.

Član 11.

Naručilac i Dobavljač mogu raskinuti ovaj Ugovor slanjem pismene obavijesti o raskidanju ugovora, rok za otkaz ugovora je najmanje 15 dana od prijema pismene obavijesti.

Član 12.

Na sve institute i pitanja koja nisu regulisana ovim Ugovorom i Standardnim uslovima poslovanja Ugovornog organa, a mogu biti bitna za njegovu realizaciju, neposredno će se primjenjivati odredbe Zakona o obligacionim odnosima.

Član 13.

Ovaj Ugovor stupa na snagu nakon što ga potpišu ovlaštena lica Ugovornih strana. Rokovi po ovom Ugovoru počinju teći od dana stupanja na snagu Ugovora.

Član 14.

Ovaj Ugovor sačinjen je u 4 (četiri) istovjetna primjerka, od čega naručilac zadržava 2 (dva), a dobavljač 2 (dva) primjerka.

ZA DOBAVLJAČA:



OMUŠKO ZA UNUTRASNJI I SPOLJNI TRGOVINI
"GORENJE
COMMERCE"
SARAJEVO
P.O. 00

Robert Polšak

Broj: 01-2/334/19

Datum: 12.04.2019.

ZA NARUČIOCA:



OMUŠKO ZA UNUTRASNJI I SPOLJNI TRGOVINI
"GORENJE
COMMERCE"
SARAJEVO
P.O. 00

/Mr. Almir Česko/

Broj: 38-551/19

Datum: 12.04.2019. godine

40